

AKHBAR : HARIAN METRO**MUKA SURAT : 71****RUANGAN : RANGKUMAN**

Kuala Lumpur: Graduan perubatan diberi peluang mengikuti program pemerhati yang akan diperkenalkan tahun depan sementara menunggu penempatan latihan perubatan.

Timbalan Menteri Kesihatan Datuk Seri Dr Hilmi Yahaya berkata, dalam program itu, graduan berpeluang mengikuti doktor dan memerhati atau melihat sendiri tugas yang dilakukan terutama ketika mengendalikan pesakit.

DR Hilmi

Program pemerhati graduan perubatan

“Kebiasaannya, graduan perubatan perlu menunggu enam bulan hingga setahun sebelum mendapat penempatan latihan perubatan yang dijalankan selama dua tahun, jadi dengan mengikuti program pemerhati ini ia akan menambah pengalaman berkenaan tatacara perubatan.

“Selain itu, bagi yang mengikuti program berkenaan, saya yakin mereka akan mengetahui segala perjalanan dalam bidang perubatan dengan

lebih jelas serta membantu mereka untuk lebih cekap dalam kerja,” katanya selepas merasmikan Karnival Kerjaya dan Latihan Penjagaan Kesihatan Bersepadu (IHICD) di Kolej Tun Syed Nasir Universiti Kebangsaan Malaysia (UKM), di sini, semalam.

Karnival kerjaya yang dianjurkan Pusat Pembangunan Karier UKM selama sehari itu bertujuan memberi pendedahan kepada pelajar perubatan berkenaan industri penjagaan kesihatan.

Dr Hilmi berkata, pihaknya masih menyediakan garis panduan dalam program pemerhati bagi membolehkan ia dilaksanakan segera.



AKHBAR : KOSMO**MUKA SURAT : 6****RUANGAN : NEGARA**

Kerajaan belanja RM1.6 bilion setiap tahun sedia kemudahan rawatan di hospital

Pesakit buah pinggang meningkat

Oleh SUHANA MD. YUSOP

SHAH ALAM — Kira-kira RM1.6 bilion dibelanjakan setiap tahun bagi merawat pesakit yang menghidap masalah buah pinggang di hospital-hospital kerajaan.

Timbalan Menteri Kesihatan, Datuk Seri Dr. Hilm Yahaya (gambar kecil) berkata, kos yang merangkumi subsidi kerajaan itu merupakan yang tertinggi dalam perbelanjaan kesihatan berbanding rawatan penyakit yang tidak berjangkit seperti masalah jantung, tekanan darah tinggi dan sebagainya.

Menurutnya, setiap tahun berlaku pertambahan antara

6,000 hingga 7,000 orang pesakit yang menghidap kegagalan fungsi buah pinggang terutamanya akibat kencing manis.

"Tahun ini sahaja, terdapat 40,000 bilangan pesakit yang mendapatkan rawatan akibat kegagalan fungsi buah pinggang. Setiap pesakit, kos rawatan termasuk dialisis dianggarkan RM40,000.

"Jumlah ini kalau diikutkan amat besar bagi penyakit yang boleh dikawal pada peringkat awal," katanya selepas merasmikan Seminar Mini dan Pameran Hari Penjagaan Kesihatan Perkhidmatan Makanan 2017 di Intekma

Resort di sini semalam.

Hadir sama Pengurus Persatuan Penjagaan Kesihatan Perkhidmatan Makanan Malaysia, Kufrizan Kubut dan Presiden Kongres Kesatuan Pekerja-Pekerja Dalam Perkhidmatan Awam, Datuk Aziz Muda.

Penyakit buah pinggang sering dihadapi oleh mereka yang mengalami diabetes, tekanan darah tinggi, warga tua dan golongan yang mempunyai sejarah penyakit tersebut dalam keluarga.

Hilmi memberitahu, pihaknya akan terus mengadakan pelbagai program kesedaran bagi memastikan rakyat mengamalkan gaya hidup sihat dan meneckankan aspek penjagaan kesihatan.



RAWATAN dialisis merupakan rawatan utama bagi pesakit yang mengalami kegagalan buah pinggang. — Gambar hiasan



AKHBAR : SINAR HARIAN
MUKA SURAT : 41
RUANGAN : KUALA LANGAT

Konvoi giat tingkat kesedaran wabak denggi

JENJARUM - Jabatan Kesihatan negeri melalui Program Jelajah Seluruh Selangor-Inikan Rumah Kita! giat meningkatkan kesedaran masyarakat di kawasan wabak denggi.

Pegawai Perubatan (Epidemiologi/Promosi Kesihatan), Dr Shuaita Mohd Nor@Emran berkata, program itu bertujuan menyalurkan maklumat secara langsung kepada penduduk berhubung langkah pemusnahan dan pencegahan jangkitan demam denggi.

"Program berbentuk roadshowsiri kelima yang dilancarkan sejak tiga tahun lalu ini adalah konvoi kenderaan yang membawa pasukan-pasukan Unit Promosi

Kesihatan dari peringkat negeri dan sembilan daerah di negeri Selangor seramai 50 orang.

"Pada tahun ini, program dilancarkan di UiTM Puncak Alam pada 27 September lalu dan singgah di lokasi-lokasi terpilih di setiap daerah bagi menyempurnakan penyaluran maklumat berkaitan pencegahan demam denggi kepada masyarakat setempat," katanya.

Shuaita berkata, konvoi itu tiba di Tesco Extra Jenjarum yang menjadi lokasi pertama daerah Kuala Langat lewat petang 30 September lalu.

"Pasukan konvoi menjalankan aktiviti di dalam pasar raya dan di kawasan ko-

mersial Taman Jaromas.

Risalah turut diedarkan kepada pengunjung dan pemilik premis berkaitan demam denggi di samping ubat pembunuhan jentik-jentik abate dan penghalau nyamuk.

"Antara maklumat utama yang disampaikan termasuklah melindungi diri daripada gigitan nyamuk, musnahkan tempat pembiakan nyamuk aedes dan dapatkan rawatan awal sekiranya demam panas," katanya.

Beliau berkata, pasukan konvoi meneruskan aktiviti di dua lokasi lagi di daerah ini keesokan hari di Bukit Jugra dan di pasar awam Tanjung Sepat sebelum bergerak ke daerah yang terakhir iaitu Sepang.



Sebahagian peserta Program Jelajah Seluruh Selangor-Inikan Rumah Kita! di Tanjung Sepat.